

〔隨意錄五〕醫家謂藥一劑以爲一貼。貼義問之衆醫亦皆曰不知按增韻貼裨也。依附也。此言衆味相依以裨輔與。

〔先哲醫話上〕北山友松○中

余療南源悅山高泉諸僧皆用大劑。何者西土人比之本邦頗厚腸強胃非輕品所敵風土人物之異不可不知。西土醫診病直記其藥按以與病者病者購之於藥鋪以服之故其品劑量適正與邦醫輕劑射利者迥異。